



- EDITORIAL • RÂL VÊNGTU
- » COVID-19 HRIPUIIN KOHHRAN A NGHAWNG
- » HRIPUI LÊN LAIA PASTOR MUAL LIAMTE
- » SYNOD MISSION BOARD HNUAIA HSLC RESULT 2021

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVI

No. 7 & 8

E-mail: synodnews@gmail.com

JULY & AUGUST 2021

LÂWRKHAWM

SAP RAMAH MIZO CHAPLAIN



Tun hnaiah Sap ram damdawi in pakhata Chaplain hna thawk turin Mizo Pastor lak a ni. Rev. Dr. H. Sangkhuma hi kan Pastor-te zinga mi thiam leh chhuanvawrte zinga mi a ni a. Mizoram Synod hnuaiah rawngbawl hna pawimawh tak tak a thawh thin bakah PCI General Assembly-ah kum 8 (Term hnih) chung Administrative Secretary hna a thawh hnuin Presbyterian Church of Wales, UK-ah Council for World Mission leh Mizoram Synod tirhin Pastor hna a thawk a, a pension thlengin chu hna chu a thawk a ni.

A pension hnuah Wales ramah awm zui zelin, rawngbawl hna hrang hrang a thawk zel a. Tunah hian Cardiff and Vale University Health Board hnuaia University Hospital of Wales, Cardiff, UK-ah chaplain hna a thawk mek a. Ram dang mi Wales rama Kristian chaplain hna thawk hmasa ber leh awm chhun a ni.

CM RELIEF FUND PE



Synod Office (Aizawl) Staff Welfare chuan ni 22.7.2021 khan Covid-19 do nan Chief Minister Relief Fund-ah an pawisa thawh khawm ₹2,00,000/- an pe.

COVID-19 HRIPUIIN KOHHRAN A NGHAWNG

Covid-19 tobul : Covid-19 hripui hi December 2019 khan China rama Wuhan khawpuiah a leng tan a. Sa zawrhna hmun pakhata thawkten an kai tan nia hriat a ni. Hripui thlentu hi coronavirus chi thar, 'Severe Acute Respiratory Syndrome Coronavirus-2' (SARS Cov-2) tih a ni. Enlennaah he coronavirus hi lallukhum ang deuhvin a lang a; hei vang hian Latin tawnga lallukhum (Corona) hming nen phuah zawm a ni.

Inkai chhawn dan leh invenna : He natna hi inkai awl tak a ni a. A kaite chu an khua a sik a, an khuh a, an rim hriatna a bo thin. Chutih laiin, a invenna hi zawm that chuan kai loh theih a ni baw. Invenna turte chu – hmai tuamna vuah, kut sil fai ngun, mi dang hnaih loh leh invenna lakte a ni.

Sawrkarin inkharkhip a puang : March ni 22, 2020 kha India ram Prime Minister Narendra Modi-a chuan ram pum huap inkharkhip (Janata Curfew) a puang a; March ni 24, 2020 khan a vawi khatna atan ni 21 chung ram pum huap inkharkhip hi puan chhonzawm a ni ta a. Hemi hun chung hian thlawhtheihna, rel leh lirthei zawng zawng chawhltir a ni a. Hei bakah hian state leh state inkalpawhna chu khâr vek a ni baw. Ram pumah zirna in hrang hrang, training/coaching institution, hospitality service – hotel leh restaurant, mipui pun khawmna – cinema hall, mall, gym leh infiamna hmunte khâr a ni a. Vantlang pun khawmna leh sakhaw thila pun khawmna hrang hrang khap a ni baw.

Mizoram dinhmun : Kuminah Covid-19 thawh hnihna a lên avangin April ni 20–August ni 21, 2021 chung inkharkhip puan a ni a. Chu chu ni 124 chung a ni. Aizawl khawpui bikah chuan July ni 1 aţangin August ni 21, 2021 thleng inkharkhip pumhlum a ni. August 17, 2021 6:30 p.m. thleng khan Covid-19 chungchanga Mizoram dinhmun chu hetiang hi a ni: Hri kai tawh zat – 49,350, enkawl mek zat – 8,808, dam tawh zat – 40,358, thihpui tawh zat – 184. Chief Minister's Relief Fund (CMRF) for Covid-19-ah July ni 15, 2021 tlai thleng khan ₹29,18,62,678 a lut tawh a; ₹25,31,14,470 hman tawh niin, hman loh ₹3,87,48,208 a la awm.

Kohhran a nghawng : Covid-19 hripui leng chuan kohhran pawh nasa takin a nghawng a, kohhran mipuite tan a huhova Pathian biakna a awm thei lo va, kohhran mipuite an khua a har em em a ni. Chu dinhmun chu hriain Synod Revival Department chuan Local TV aţangin Revival Live Crusade hmangin Pathian thuchah a puang chhuak thin a; tin, Synod Information-in thupui zir bingna a buatsaih thin baw. Tin, FG&CC pawhin nasa taka tan lain, Local TV-ah vawi nga zet talk show a tichhuak a; tin, hripui leng karah nun beidawng leh rilru hrehawm mi hrang hrang hnenah mobile phone hmanga inkawmna (Counselling) ngawrh taka kalpui a ni. FG&CC hmang hian nun beidawng tam tak chhanchhuahin an awm a ni. Kohhran thawhlawm chungchangah, kum 2019-a lutin kum hmasa a pha lo va, kum 2021-a lut erawh chuan kum hmasa a khûm thung. Mizoram Synod chuan Covid-19 do nan nikum khan CM Relief Fund-ah ₹9,00,000 a thawh tawh a, April ni 30, 2021 khan cheng nuai 10 a pe leh baw. March–June 2020 chung khan Covid-19 vanga khawsak harsa nia hriat, kohhran pawl sawi lovin mi eng emaw zat hnenah ₹6,00,000 a sem baw. Hei bakah hian tualchhung kohhranten mahni kohhran huam chungah chhawmdawl ngai apiang an chhawmdawl thin a. Tin, ram pum huapa tawngtai rual thin a ni baw.

SYNOD Newsletter

EDITORIAL STAFF

Rev. Dr. C. Chawngmingliana

Rev. B. Sângthanga

Upa H. Ronghâka

Upa C. Thanga

Editorial

KAN HIMNA PATHIAN

Nu pum chhunga awm lai ațanga thihna kut vawtin min man thleng chauh pawh ni lovin, thlân piah lam thleng pawhin Pathian chu kan hnenah a awm reng. He khawvela kan dam chhung hian lawmna leh lungngaihna hian min chîm reng a. Hlimna leh lungnhûrna hi a inbuan let reng a ni ber mai. A chângin kan hlim viau va, a chângin lungngaiin kan kun leh bawh thîm. Kan nunah harsatna a lo thlen lohva, kan beisei leh duh ang taka thil a lo thlen chuan kan hlimin kan lawm em em a, Pathian ngaihna em em pawh mi tam tak pheichuan kan nei mang lo hial thîm.

Kan nunah harsatna leh manganna a lo thlen erawh chuan kan mangang a, kan phi ruai thîm. Mangan lai chauhva Pathian autute hi a chhanna nghakhlel hlel an ni duh phian lehngal. Mangan lai chauhva Pathian autute hi Pathianin chawplehchilha a chhân nghâl loh pheichuan an bei a dawng hma hle thîm. Hei erawh hre reng ila – harsatna leh buaina a lo thlenin Pathian chuan a mitnaute angin min vawng reng a, chûng harsatna leh buaina ațang chuan min chhanchhuak thei a ni tih hi. Pathian chu kan hnena a awm reng avangin amah chu ring tlat ila, thlah lovin vuan tlat ila, lallukhum chu kan chang ngei ang.

Covid-19 hripui leng hian kan khawvel hi kum khat zet chu min chenchilh ta reng mai. Hetih chhung hian mi vaibelchhe 18 chuangin hri an kai tawh a, maktaduai 4 zet in an thihpui tawh bawh. Ni tin hri kai thar nuai 4 chuang an awm reng bawh. Hri kai thar zel tur dan chah tumin theihtawp kan chhuah tlâng a. Hripui lah chuan kian zai rêng a rêl rih bawh si lo. Beidawnga chauh mai a awl rum rum mai. Mahse, beidawng lova puan ven sawi chhîn hrâm hrâm hun a ni.

Hetiang hripui hlauhawm karah pawh hian kan Pathian thu chuan, “Hlau suh la, zâm hek suh,” tiin min la thlamuan reng a ni. Kan Pathian hi kan lungpui, thlipui ruahpui laka kan himna, hlauhawm tinreng laka kan himna leh kan phen tur, mangan laia țanpui var theitu hnai reng chu a ni. Amah chu thlah lovin i vuan tlat ang u.

HRIPUI LÊN LAIA PASTOR MUAL LIAMTE

Rev. Thangpuiliana (90) hi ni 18.7.1930-ah a piang a. Ni 29.6.1958-ah Pastor atan nem ngheh a ni. Sialsuk Bial, Châltlâng Bial thar leh Durtlâng Bial te a vawng tawh a; kum 1964-ah Synod Hospital chaplain a ni a, kum 1981–82 chhungin Synod Moderator a ni. Ni 20.3.2020 zing dar 4:19-ah a boral a. Hemi ni vek chawhnu dar 1-ah Rev. R. Lalchangeliana, Synod Moderator-in Châltlâng Kohhran Biak



Inah a vui a ni.

Rev. V.L. Zaithanga (86) hi ni 24.3.1934-ah a piang a. Kum 1967-ah Pastor atan nem ngheh a ni. Rawngbawl hna a chelh tawhte: Mizoram Synod-ah Moderator, Secretary, Statistician, Exe. Secy., Pastor i/c ZPMK (Shillong); F/S, New Delhi Mission Field; PCI Assembly-ah Statistician, Secretary leh Treasurer; NEICC-ah Treasurer. Kum 2006 ațangin Diphu, Karbi Anglong, Assam-ah a inbengbel a; kum 2008–2012 chhung PCI Assembly Officer (Diphu) a ni. Ni 14.5.2020 zing dâr 6:15-ah a thi a. Hemi ni vèk chawhnu dar 2-ah Rev. F. Pachhûnga, Field Secretary, Karbi Anglong Mission Field-in Diphu-ah a vui a ni.



Rev. B.B. Mondol (86) hi ni 9.11. 1934-ah a piang a. Kum 1969-ah CHT Synod-in Pastor-ah a nemnghet. Diptinibash, Silchar, Karimganj Diptinibash, Karimganj, Konak-pur leh Karimganj Bialte a vawng tawh. Kum 1947-a East Pakistan (Tuna Bangladesh) a lo pian khan Sylhet Cachar Plains Assembly chu Cachar Bial dinhmunah a lo tē ta a, kum 1958 thleng khan Assam Assembly hnuaiah an awm a, kum 1974 khan Mizoram Synod hnuaiah an awm ve leh a ni. Mizoram Synod ațangin pension a la lo va, Barak Area-a kan kohhran rawngbawltu a ni thung. Ni 13.10.2020 zing dar 8:15-ah a thi a. A tukah Rev. Dr. Rualthankhuma, A/S, Barak Area-in a vui.



Rev. Bruce Tennyson Nelves (79), Pu Nêla hi ni 26.8.1931-ah a piang a. Ni 1.10.1959-ah Pastor atan nem ngheh a ni a. Hemi kum vek November thlaah Mizoramah rawn chhuakin Mission Press-ah a thawk nghal a, press pawhin hma a sawn phah hle. Mizorama a awm lai hi mautâm lai a ni a, Mizoram pum pui chu țanpui mitthiin a tuam a. Mi rethei ei tur nei lote nasa takin a chhawmdawl ț hin. Haflong lamah Mission hna thawktu an awm loh avangin August 1961-ah koh thlak a ni a. Chhungkaw harsatna avangin December 1961-ah Sap ramah a haw ta a ni. Ni 3.5.2020 zan dar 9:00-ah Llantrisant, UK-ah a thi a. Mizoram Synod chuan May ni 21, 2020 chawhma dar 11-ah J.M. Lloyd's Hall, Synod Office-ah Moderator Rev. R. Lalchangeliana hovin mi tlem tein amah sunna hun an hmang a ni.



Rev. John Sharma (55), Zotlang, Aizawl hi ni 6.1.1965-ah a piang a. Hindu ațangin Kristianah a inpe a, John Sharma tih hming a pu ta a ni. Kum 1990–1991 chhung Siliguri Bialah Pro. Pastor hna a thawk a. Kum 1992-ah Bawngkawnah Pro. Pastor hna thawk chhungin



Hindi Bible School-ah zirtirtu hna a thawk bawh. Kum 1992-ah Pastor atan nem ngheh a ni. Siliguri Bial, Hatidanga Bial, Masihi Sangati Lunglei leh Dharan Bialahte a vawng tawh a; Hindi Bible School Principal a ni tawh bawh. Ni 15.11.2020 tlai dar 4:45-ah a boral a. A tuk chhun dar 12-ah Rev. F. Lalrinnunga, Ex-Moderator, Mizoram Synod-in Zotlang Kohhran Hall, Aizawlah a vui ta a ni.

Rev. R.C. Lawmthanga (88), Mission Veng, Aizawl hi ni 14.5.1933-ah a piang a. Kum 1961 February-ah Pastor atan nem ngheh a ni. Heng bialte hi a vawng tawh: Sawleng Bial, Lokicherra Bial, Dibrugarh Bial leh Farkawn Bial thar. Tin, Reader, SPB; Director, Bible Râlchhân, ATC; Chaplain, Civil Hospital, Aizawl leh TB Hospital, Zemabawh te a ni tawh bawh. March ni 19, 2021 zan dar 9:40-ah a boral a. A tuk chawhnu dar 1-ah Moderator kal chhuak Rev. R. Lalchangeliana Mission Veng Kohhran Biak Inah a vui a ni.



Rev. V. Lawmkima (70), Venghlui, Aizawl hi ni 1.2.1951-ah a piang a. Kum 1989-ah Pastor atan nem ngheh a ni. Tuipuibari Bial thar leh Sialsuk Bialte a vawng tawh. Tin, Chaplain, Synod Hospital, Durtlang leh Principal, Presbyterian Bible School te a ni tawh bawh. Kum 2012-ah PBS-ah rawih zui leh a ni. Kum 2013-ah 3rd IR Battalion, Mangaldai, Assam-ah chaplain-in a awm a. June 2018 ațangin Thlarau Bo Zawngtute (TBZ) Mission hnuaiah Field Director-in a awm leh a. He hna a thawh lai hian ni 21.4.2021 chawhma dar 10:05-ah a boral a. TBZ Mission Compound, Kanapur, M.P.-ah vui a ni a. Mizoram Synod aiawhin Pu K. Lalrotluanga, TBZ Missionary-in a vui a ni.



Rev. R. Thangvunga (79), Durtlang hi ni 11.4.1942-ah a piang a. Kum 1972 Synod-in Pastor atan a nemnghet. Heng bialte hi a lo vawng tawh: Vânzau Bial, Dârlawn Bial, Kâwnpui Bial, Bâktâwng Bial leh Durtlâng Bial. Ni 14.7.2021 zing dar 5-ah a boral a, Rev. Dr. C. Lalhlira, Synod Moderator-in Durtlang Kohhran Biak Inah a vui a ni.



Rev. Vanlalngeiha (35), Mission Veng, Aizawl hi ni 10.11.1986-ah a piang a. Kum 2017 Synod-ah Pastor atan nem ngheh a ni. January–June 2018 chhung Siliguri Mission Field-a Jaigaon Bial thar a vawn hnuin Presbyterian Bible School, Mission Vengah zirtirtuah dah a ni a; hetah hian 2019 December thleng awm. Hemi kuma Synod-in a rel angin January ni 12, 2020 ațangin Jharkhan Mission Field-a Jaruwadih Bial a vawng a, a hun tawp thlengin hetah hian a awm a ni. Ni 20.6.2021 (Pathianni) chawhma dar 11:20-ah a boral a. Ni 22.6.2021 chawhnu dar 1:00-ah Mission Veng Kohhran Biak Inah Rev. Dr. C. Lalhlira, Synod Moderator-in a vui a ni.



(Phek linaah chhunzawm a ni)

Râl Vêngtu

Mite chu Râl Vêngtu hnenah an rawn lêng khâwm leh nak nak a. Râl Vêngtu hnenah chuan, "Râl Vêngtu, tunlai hian Pathian hming chhâl ve sia thu mak pui pui, awihawm loh deuh deuh sawi thîn hi an rawn inlâr leh ta fo mai. Hêng mite hi engtia lo ngaih tûr nge maw ni dâwn le?" an rawn ti a.

Ral Vengtu chuan, "Hetiang mite hi an kam a thlumin tawngmang te hi an ui tui thiam ang zal a. Têl hmuam emaw tih mai tûrin an dang lah hi a nâl ang zal a. Ih leh eh tel miah lo hian kêl bete pet ang zeih zeih hian thu an sawi thiam a. Hêng mite hi khi lamah chuan 'A awr a hnâwn e', 'A hmu a dúp e' an ti. Mi thenkhat lah hian rau ta viauvah hian an han ngai ngawt lehngal a. Heng mite thusawi hi chaw tak khûka khûkpui vak chi a ni lo. Pathian thu hi chu Lalram letling thu a ni ber zâwk a. Hre bera inngaite hian an hre thelh fo va, sawi dik bera inngaite pawhin an sawi sual châwk. Bible-a Pathian thu, duh lai lai châng la khâwma suih zawm chîngte hian an zawm fuh lo châwk. Pathian ram hi chu tling bera inngaite tlin lohna ram a ni tlat.

"Tunlai hian pangpar lem an siam thiam hle a, belh chian fe loh chuan a lem a ni tih hriat a har khawp. Hetiang mite thusawi pawh hi pangpar lem ang deuh a ni a. Chik tak leh uluk fea in ngaihthlak loh chuan Pathian thu dik ziktluak leh a lem in hre hrang thei ngai lo vang. Tawngtâina nen chik taka in ngaihthlak erawh chuan a lem leh a tak chu in hre hrang êm êm ang. Kum tam lam hi chal leh chhîp kawlh leh kawlh lohva teh chi a ni lo angin, Pathian thutak sawi hi khabe sêp thiam leh thiam lohva te, lei li chak leh chak lohva te, a rin leh zawihah te, a thlûkah te teh chi a ni lo. Kohhran thurin aţangin a him em, Bible zirtirna aţangin a dik ziktluak em, kohhran sadai thiat zawngin a sawi em, a sawitu hian Pathian thu a nunpui em, tihte hi in tehna langsar tur a ni. Pathian ram hi chu tling lova inngaite tlinna, fel lova inngaite felna, hre tlema inngaite hriat rilna ram a ni zawk," a ti ta duah a.

SYNOD HOSPITAL, DURLANG THILPEK DAWNTE (April, May & June 2021)

I. CHARITY FUND

1. Ramhlun Vengthar Bial Kohhran Hmeichhia	₹ 30,000/-
2. KTP, Suarhliap Bial	₹ 3,000/-
3. Lungdai Hmar Veng Kohhran	₹ 1,000/-
4. Model Veng Kohhran, Aizawl	₹ 14,460/-
5. Pu Khuma, Bawngkawn, Aizawl	₹ 3,000/-
6. Pi Lalremi m/o R.C Lalrengpuii, Zembawk North	₹ 2,500/-
7. Hunthar Bial Kohhran Hmeichhia, Aizawl	₹ 10,000/-
8. Lallianpuii c/o Lalrawnlani	₹ 3,500/-
9. Lungdai Kohhran	₹ 2,000/-
10. Pu Zodinlana, Mission Veng	₹ 1,500/-
11. R. Lalnunhla & Ruth R. Malsawmtluangi, Durtlang Leitan	₹ 2,000/-
12. Pu Lalchawichhana, Kelkang	₹ 2,500/-
13. Pu Lamthanga, Kelkang	₹ 2,500/-
14. Pu R. Renghnuna, Serchhip Field Veng	₹ 2,000/-
15. Republic Veng Bial Kohhran Hmeichhia	₹ 30,000/-
16. Baby Zothansangi, Kulikawn	₹ 2,000/-
17. Hliappui Bial Kohhran Hmeichhia	₹ 10,000/-
18. Rawpuihip Bial Kohhran Pavalai Pawl	₹ 5,000/-
19. Peniel Kohhran Ramthar Committee, New Serchhip	₹ 40,000/-
20. Lalnunthari, Manager, Restaurant A, Synod Hospital	₹ 1,000/-
21. Pu Lalremchunga leh Pi V.L. Malsawmtluangi te nupa, Saron Veng	₹ 30,000/-
22. Pi Lalremi m/o RC Lalrengpuii,	₹ 2,500/-
23. Lungdai Kohhran	₹ 2,000/-
24. Upa LT Muana, Chekawn Venglai	₹ 3,000/-
25. Pi Lalnunthari, Restaurant A, Synod Hospital	₹ 1,000/-
26. Upa R. Lalchhuanawma & family, New Serchhip	₹ 10,000/-
27. Lungdai Kohhran	₹ 2,000/-
28. Lungdai Hmar Veng Kohhran	₹ 2,000/-
29. Pu Hnarthanga, Bawngkawn South	₹ 10,000/-
30. Zemabawk Bial Kohhran Hmeichhia	₹ 10,000/-
31. Pi K. Lalremsangi, Zemabawk North	₹ 2,500/-
32. Keitum Bial Kohhran	₹ 30,000/-
33. Pu Darselluaia, Phuaibuang - Kum 91 tiin lawm nan	₹ 1,000/-
34. Pu Zahminglana tu leh fate, Dawrpui	₹ 50,000/-
35. Pu Lalnunsanga Ralte, Durtlang Mel - 5	₹ 10,000/-
36. Lallianpuii c/o Lalrawnlani, Synod Hospital	₹ 2,000/-
37. Pi Lalawmi leh a fate, Lungdai Hmar Veng	₹ 12,000/-
38. R.K. Lalremsangi d/o R.C. Lalrengpuii, Zemabawk North	₹ 2,500/-
39. Lungdai Hmar Veng Kohhran	₹ 1,000/-
40. Lungdai Kohhran	₹ 2,000/-

II. GRACE HOME TANA PETE

1. KTP, Khawailung Bial	₹ 5,000/-
2. YWCA, Aizawl, Mizoram	₹ 11,000/-
3. KTP, Kawnpui Bial	₹ 10,000/-
4. Sairang Bial Kohhran Hmeichhia	₹ 10,000/-
5. Upa R. Lalchhuanawma	₹ 3,000/-
6. Zonuum Kohhran Hmeichhia	₹ 20,000/-

III. THISEN PETUTE

1. HBK MMA Gym	UNIT ZAT
----------------	----------

14

2. YMA, Vaivakawn Branch	92
3. KTP, Durtlang Bial	49
4. KTP, Dawrpui Vengthar Branch	47
5. KTP, Bawngkawn Bial	57
6. KTP, Chhinga Veng East Branch	26
7. KTP, Nursery Veng Branch, Aizawl	31
8. College of Nursing, Synod Hospital	45
9. K.T.P., Leitan Bial	77
10. K.T.P., Model Veng Branch	48
11. K.T.P., Durtlang Branch	40

IV. THIL DANG PETUTE

1. North Hlimen Pastor Bial Kohhran Hmeichhia P u a n lum 9 leh hmunphiah 30	
2. KTP, Vawngawngo Branch Hmunphiah 50	
3. Tuipang Bial Kohhran Hmeichhia Hmunphiah thahnem tak min pe	
4. Nisapui Bial Kohhran Hmeichhia Hmunphiah 166 leh ₹. 3,000/-	
5. Chaltlang Bial Kohhran Hmeichhia, Aizawl Lawmna Ward tan Radiant Warmer leina tur ₹. 80,000/-	
6. Jessica C. Malsawmzuali & Jonathan Laldinglana, Chawlhmun NICU hman tur floor Fan 1	
7. Rawpuichhip Bial Mitthi khuhna puan 45	
8. KTP, Rengdil Bial Thutthlengsei 10	
9. West Lungdar Kohhran Ramthar Committee Thingremsei (Ft. 6x2) pahnih (2)	
10. Sakawrtuichhun Kohhran Pavalai Pawl Hmunphiah 50 leh Tual phiahna 16	
11. Pu Sailothanga Sailo, Chhinga Veng Naupang Ward tan Diaper thahnem tak	
12. Sihfa Bial Kohhran Hmeichhia Lawmna Ward tan Water filter tha tak.	
13. Pi Vanlalchhanhimi, Khatla East Lawmna Ward tan ₹. 5,000/-	
14. Pi Saingurpuii, Chaltlang Student Hostel chow pack sa 1 bag	
15. Pu Lalţanpuia Varte, Khatla Damdawi chi hrang hrang thahnem tak	
16. Rev. PB Zosaphara Nursing Student te tan dawnfawh 8	
17. Pu Zothan Khuma, Laipuitlang Dialysis khawl lei nan ₹ 10,00,000/-	
18. Pi Rothangpuii, Khatla 'S' Pu R.Hranghrima (L) hriat reng nan NCB Delux room a hman tur Refrigerator 3 min pe.	
19. Lady Hardinge Medical College Alumni Association Rapid Antigen Test strips 1000	
20. Pi Lalchhandami, Councillor, AMC Ward No.3 K.Ward tan Roller Bandage thahnem tak leh Needle holder 1	
21. Rebecca Drug Centre, Zarkawt Pregnancy Test Kits 20 boxes (₹ 1,20,000/- man)	
22. KTP, Vaivakawn Branch An Branch Golden Jubilee pualin Steel Long Chair tha tak pahnih (2)	
23. Pu R. Lalziriana, Minister, Power & Electricity, etc. Dragon Fruit thahnem tak min pe.	
24. Pu Malsawmtluanga Royte, Khatla A pa, Upa Zoliana Royte hriat reng nan Dialysis Unit tan Refrigerator 1	

V. PAWISA DAWN ZAWNG ZAWNG ₹ 15,00,460/-

NGENNA

Hospital Consultative Body Meeting (CBM) chuan kohhranhoten hospital mamawh min pek thinah lawm thu a sawi rualin, hei hi min chhinchhahsak turin kohhranho a ngen a ni:

(Phek linaah chhunzawm a ni)

(Phek thumna zawmna)

1. Thilpekah kan tih theih zawng/tawk a awm theuh ang a, chutih rualin hospital mamawh kan pek theih nan hotute zawh hmasak ni thei se a lawmawm hle ang. Heng a hnuai no. tar lanahte hian biakpawh theih reng a ni e.

Director : 9436144489 / Nursing Supdt. : 8729858633

2. Thutthlengsei (Bench) min pekte a tangkaiin a lawmawm hle mai. A inchen loh hlawm avangin hmanna leh dah khawmna lamah a buaithlak deuh thin a. A theih hram chuan a sei zawng ft. 6 leh a hlai zawng ft. 1 ni thei hram se a lawmawm khawp ang.

Khawngaihna leh duhsaknaa thilpek min petu zawng zawng hnenah Lalpa Isua Krista hmingin lawm thu kan sawi takmeuh a ni. Heng in thilpek kan dawnte hian damlo awm man harsate thlamuang takin a awmtir bakah hospital mamawh tam tak min phuhruksak baw a ni.

Rev. R. Ramdinmawia
Chaplain
Synod Hospital, Durtlang.

(Phek hnihna chhunzawmna)

Rev. Lalbiaktluanga Pachuau (Rev. L.B. Pachuau) (84), Ramhlun North, Aizawl hi ni 5.10.1937-ah a piang a. Kum 1963 Synod-ah Pastor atan nemngheh a ni. Kum 1964 Synod chuan sipai Pastor (Assam Regiment) tûrin a ruat a, kum 1965–1987 April thla thleng a thawk. Sipai ațanga a chawlh hnuah Synod department thar Social Front-ah kum 1987 June 22 ațangin a thawk leh a. Rescue Home kum 1987 September-a hawn a nih khân Superintendent hna a chelh a, kum 1990 December thleng a thawk. Kum 1991–1996 chhûng Lengpui Bial a vawng a, kum 1994 May–December chhûng Sairâng Bial a hmui tel bawk. Kum 1997 January thlaah voluntary pension-in a kal ta a ni. Ni 26.7.2021 chawhnu dar 1:50-ah a boral a. A tuk chawhma dar 10-ah Ramhlun North Biak In Mual Biak Inah Rev. C. Lalhlira, Synod Moderator-in a vui a ni.

Rev. Dr. Lalngurauva Ralte (94), Mission Vengthlang, Aizawl hi ni 10.6.1927-ah a piang a. Kum 1959 June thlaa Special Synod-ah Pastor atan nemngheh a ni. Kum 1959–1960 chhûng a zir bo leh hnuin kum 1961-ah Mission Vêng Bial a vawng a. Hei bakah hian Aizâwl Theological School-ah zirtirtu hna leh Teacher’s Training School Principal hna a chelh bawk. Kum 1962 March thlaa Synod High School hawn tharah Headmaster atân lâk a ni a kum 1962–1968 chhûng a thawk a ni. India Hmârçhhak Presbyterian Kohhran Office nghet bun tûrin Administrative Secretary hna March, 1969–July, 1979 chhûng a thawk a. Hemi hma hian Assembly Office nghet neih a la ni lo. Presbyterian Youth Fellowship Leader hmasa ber a ni. August 1, 1979–1988 chhûng Mizoram Synod-ah Senior Executive Secretary hna a thawk a, kum 1989 chhûng Kulikawn Bial vawngin January, 1990 aț angin pension-in a châwl ta a ni. Ni 11.8.2021 tlai dar 3:00-ah Mission Vengthlang Kohhran Biak Inah Rev. Dr. C. Lalhlira, Synod Moderator-in a vui a ni.



SYNOD MISSION BOARD HNUAIA HSLC RESULT 2021

Sl. No.	Schools	Appear	Distinction	I Div. with star mark*	I Division	II Division	III Division	Passed	Failed	Compartmental	Letters	Pass %
1	PMHS, Diphu	31	2	2	6	21	0	31	0	0	24	100
2.	PMHS, Hamren	32	1	0	5	22	4	32	0	0	0	100
3.	PMHS, Koilamati	16	0	0	3	13	0	16	0	0	3	100
4.	JMHS, Jonai	23	1	3	13	6	0	23	0	0	23	100
5.	SPHS, Bhairabkunda	21	0	4	3	14	0	21	0	0	12	100
6.	SPHS, Madhuripathar	48	0	6	10	25	7	48	0	0	26	100
7.	OHS, Silchar	39	4	12	22	1	0	39	0	0	96	100
8.	RMHS, Karimganj	72	35	22	15	0	0	72	0	0	275	100
9.	PMS, Gharmura	20	0	0	5	5	10	20	0	0	3	100
10.	Winchester School	21	0	0	5	8	8	21	0	0	1	100
11.	BES, Noagang	32	4	0	18	10	0	32	0	0	0	100
12.	CHS, Tuidu	69	4	0	46	18	1	69	0	0	0	100
13.	JES, Lakla	33	4	0	3	19	7	33	0	0	40	100
14.	SHMS, Bungtlang South	23	5	0	12	5	0	22	1	0	26	96
15.	SHMS, Tlabung	25	2	0	17	4	1	24	1	0	18	96
16.	Salem Boarding	19	0	0	0	9	5	14	4	1	0	74
17.	SHMS, Damparengpui	15	3	0	3	8	1	15	0	0	13	100
18.	TMS, Khasan	30	3	0	11	10	6	30	0	0	22	100
Belh khawm		569	68	49	197	198	50	562	6	1	582	98

Note: I Div with Star mark hi Assam Board chauhvîn an siam a, a average mark-a mark 75 mark hmu chin sawina a ni.

SMB MISSIONARY COVID-19 VEITE
(Mission Field hrang hrang dinhmun)

Sl. No.	FIELD	HRI KAI	ENKAWL LAI	DAM	THI
1	Arunachal East	32	0	32	-
2	Arunachal North	16	5	11	-
3	Arunachal West	33	0	33	-
4	Assam	9	0	9	-
5	Barak	57	1	56	-
6	Delhi	14	0	13	1
7	Home Mission North	12	4	8	-
8	Home Mission South	17	1	16	-
9	Jharkhand	4	0	4	-
10	Karbi Anglong	8	2	6	-
11	Calcutta	7	1	6	-
12	Lucknow	17	0	17	-
13	Masihi Sangati	16	0	16	-
14	Nepal	6	1	5	-
15	Odisha	4	0	4	-
16	Patna	21	0	21	-
17	Siliguri	18	0	18	-
18	Tripura	47	2	44	1
19	IMA	5	0	5	-
20	B.Ed Trainees	4	0	4	-
21	Seva Bharat Missionary	2	0	1	1
22	Bolivia	1	0	1	-
23	MDTC, Bualpui	4	0	4	-
TOAL		354	17	334	3